

Sel Prestuhn Dieter F. Uchtdorf

Mwet in Kahsrh Ahkluo ke Prestuhnsi Se Met



Moul luhn Mwet Tuhma Lutlut se

Yac tolngoul somlah fin acn Ghana, oasr tuhlihk fuhsr wi lutlut ke college pahngpahng Doe suc pacl se emet lal in utyak nuh ke lohm in tuhkweni se luhn LDS. Kawuck se lal Doe pa solwacel elacn weluhl, ac yohk kena lal Doe in ke etuh lah fuhkah atacn Alu uh.

Mwet we ah arulacna wo ac kuhlwacong suc el tiac kuh in te nuhnkuh kac lah, “Ma oyac kain in alu se inge?”

Doe el arulacna puhla lut kac lah el sulwacelah in lutlut yohk ke Alu uh ac mwet kac uh, suc sesseslah yohk ke engan. Tuhsruhk ke pacl se el muhtwacwacack in oruh, sucu ac mwet kawuck wo ac yohk srihpac nuh sel muhtwacwacack in ahkkolukyael ke oacna sie ma el oruh. Eltahl fahk ma na koluk ke Alu uh ac oruh ma nuh kwewa elos kuh in oruh in ahkkolukyael.

Tuhsruhk oasr luhlhlafongi yohk se Doe el eis.

Oasr luhlhlafongi lal, ac el luhngse wosasuc uh, suc nwaclah moul lal ke engan. Ac na, el tili nuh ke kof in pacptais.

Tohkohyang, el sifacna eisaclacng in eis etwacack ac pruhe. El lalo ac suk ke kolyuck luhn Nguhn Muhtahl ke moul lal. Oacna ke ma sikyak, luhlhlafongi ac testimoni lal Doe kapwack fokokoi ac koanongi. Sahflahiyac ah el sulwacelah tuh elacn wi kuhlwaconsap ke full-time misin nuh sin Leum.

Tukun el fohlohkoh liki misin lal, el ahkoyak ac pahyuckyak nuh sin misineri se—suc fohlohk pac tari ke misin lal suc tuh pacptaiseluhllah ke yac ekahsr met—ah ac tohkohyang eltahl oraclah sil laltahl ke Johannesburg South Africa Tempuhl.

Doe Kaku el tuhlah puhlahihn engan se ke wosasuc luhn Jisus Kraist ke yac puhkantwen somlah. Ke pacl se ingacn, moul uh tiac wo nuh sel pacl nuh kwewa. El muhtwacnglah ip lal ke inse ahsor ac kweok, weacng pac ke wacngihnlac luhn tuhlihk—luo nahtuhl mwe ahsor yohk nuh ke ma el puhlahihn inge srackna ahktoasrye insiyael.

Tuhsruhk el ac mukul tuhmwacl, Anthony, kampare in fototo nuh sin sie ac nuh sel Pahpah sacohklacna Tuhmwacllos Inkuhsrao, suc elos luhngse ke insiyaclos nohfohn.

Mihsenge, yac 30 tukun el tili ke kof in pacptais ah, Tahmtahel Kaku el tuhlah ahksahfyelah sie pac full-time misin—lal ke pacl se inge el oasr sisen mukul tuhmwacl, suc pa misin prestuhn fin acn Nigeria.

Elos suc etwael Tahmtahel Kaku fahk lah oasr ma wowo se kacel. El kahlwem. Upac kom in sislah pacl lom in weluhl liki na kom in puhla engan lom sifacna.

Testimoni lal arulacna kahlwem: “Nga etuh lah Mwet Lahngo el liye yuc oacna tuhlihk muhtwacn se Nahtuhl ac kawuck se Lal (liye Mosiah 5:7; Ether 3:14),” el fahk. “Ac nga lotwelah ac srihke na upac in ekihn kawuck Lal pac—tiac ke ma nga fahk muhkwenah tuh ke ma nga oruh.”

Kuht pa Mwet Tuhma Lutlut

Sramsram se kacel Tahmtahel Kaku uh oacna sie nuh sin elos nuh kwewa sahyac. Oasr kena lal in etuh ke ma pwacye, el molwelah luhpah in eis kahlwem muhtahl, el ahkkahlwemye luhngse lal nuh sin God ac mwet lal, ac ke fuhfahsryucs lal el puhtatyang nuh ke ma upac ac suhpwacr.

Tuhsruhk finne ke ma upac, finne suhpwacr, el srackna fahsr nuh met ke luhlalfongi lal. Ac yohksripacyac an, el srukyacna engan lal. El konwacack inkacnek se in tiac kuhtanglah ma upac ke moul lal muhkwenah tuh oacyacpac kampare in lusrong kwewa!

Sramsram kacul uh tiac eklac nuh sum ac nga.

Sesacalah fuhfahsryucsr lasr uh in fwel ac wacngihn ma upac.

Oasr na inse ahsor lasr kais sie, suhpwacrlac lasr, kweok lasr.

Sahp kuht ac na nuh puhla muhnahtlah pac ac ke pacul kuht toasrlah.

Tuh elos suc moulkihn moul luhn mwet tuhma lutlut se—suc tu kuh ke luhlalfongi ac fahsr nuh met ke luhlalfongi; suc luhlalfongi God ac liyacacng masap Lal;¹ suc moulkihn wosacuc lwen nuh ke lwen ac ao nuh ke ao; suc oruh kuhlwacnsap ke ohiyac luhn Kraist nuh sin mwet raunweloslac, elos suc oruh ohiyac wowo kais kuhtuh—na fahsr uh pa kwacna oraclah eklac na yohk ke moul lalos.

Elos suc kuhlwacng kuhtasrihk pac, nuhnakmuhnaht kuhtasrihk pac, ac puhlakihn pac pahkotwen uh pa elos ma ac fah eis pahkomuhta.² Elos suc oruh in wo facluh se inge, kais kuhtuh na fahsr in karihngihn ac luhngse, ac suc kwacfwacng in moulkihn moul insewowo, engan, ac mihs luhn sie mwet tuhma lutlut luhn Jisus Kraist pa elos suc fah konwacack engan ke sahflahiyac uh.

Eltahl fah etuh lah “luhngse luhn God, ma sifacna maelihk nuh ke insiyacn tuhlihkuhtin mwet . . . ma se inge pa luhngkihnyuck emet liki ma nuh kwewa . . . ac engankihnyuck yohk emet nuh ke moul uh.”³

MWE KAHSRUH

1. Liye Mosiah 4:6.
2. Liye Matthew 5:7.
3. 1 Nephi 11:22–23.

LUTI KE PWENG SE INGE

Prestuhn Uchtdorf el luti kuht lah inkacnek luhn mwet fahsr tukun Jisus pa upac uh tuhsruhk lah elos suc moulkihn “moul mihs luhn sie mwet tuhma lutlut luhn Jisus Kraist pa elos suc fah konwacack engan ke sahflahiyac uh.” Oacna ke Prestuhn Uchtdorf el sruhmuhn sramsram se kacul Doe in ahkkahlwemye lah mwet tuhma lutlut pwacye luhn Kraist kuh in sokwack mihs ac engan macnsis kuhlah ma upac, kom fah nuhnkuh in

akacsruhi ke sie sramsram ke moul lom sifacna lah efuh kom sulwacalah in ukwe Kraist ac El ahkfokokoye kom fuhkah? Ke kom kolyuck sin Nguhn, akacsruhi sramsram lom sifacna kuh in ahkfokokoye mwet kom luti.

MWET FUHSR

Engan oacna Mwet Tuhma Lutlut luhn Jisus Kraist

Kuh nuh oasr lwen koluk lom? Meac kom ac oruh in ahkenganye kom? Prestuhn Uchtdorf el etuh lah “oasr mwe ahkngalye insiyacsr, mwe ahktoasr, ac mwe ahsor lasr. Kuht kuh in puhla muhnahtlah ac ke pacul kuht toasrlah.”

Srihpac Lal uh pa in moulkihn ma el pahngon “moul luhn mwet tuhma lutlut se”: “sruokyac luhlalfongi ac kwacfwacng in fahsr nuh met ke luhlalfongi.” Ke kuht fahsr nuh met ke luhlalfongi, kuht kuh in luhlalfongi God, liyacacng masap Lal, ac kuhlwacnsuhpuh mwet sahyac—ac puhla engan ke ma ingacn nohfohn! Ke Prestuhn Uchtdorf el fahk, Elos suc moulkihn moul luhn mwet tuhma lutlut . . . pa elos suc orekma srihsrihk la fah kuh in oraclah eklac yohk.”

Nuhnkuh in suhmuhlah kuhtuh ohiyac kom kuh in oruh oacna moul luhn mwet tuhma lutlut. Pa nuh ke, kom kuh in suhmuhlah nuhnak in kuhlwacnsap kain nuh ke “Kahsrueh ninac ac pahpah in oraclah mongo in ekuh” kuh nuhnak se in liyacacng masap kain nuh ke “Pruhe in oasr muhtweng yohk luhn tuhlihkuht wiyuck.” Pacul se tok kom ac puhla fohsack ac toasrlah, olwack ma tahk soko kom suhmuhlah an, sulwacalah sie nuhnak ah, ac srihke!

TUHLIHK SRIHSRIHK

Pacul Engan ac Suhpwacr

Kuhtuh pacul uh oasr pacul srihklac liki pacul in engan. Ac WONA. Jisus el kuh in kahsrwe kom ke ma ingacn.

Sruhluwacalah sie muhtah ah in sroasrol. Jisus el ac kahsrwe kom fuhkah ke kom suhpwacr? Inge sruhluwacalah sie muhtah ah in isracsr. Jisus elac kahsrwe kom fuhkah in engan?



Moulkihn Moul Ahkmuhtahlyeyucklac se

Pruhe in lultukihm kuhfa se inge ac suk kolyuck in etuh ma in akacsruhi kac. Kahlwem ke srihpac luhn Rilif Sosaiti ac ahkoelah fuhkah tuhlihik muhtwacn nuhtin God nuh ke mwe insewowo ke moul ma pahtpaht uh?

Luhlalfongi Sucu Kahsruh

In ahkmuhtahlye pa in ahkinsewowoyelah kuh in kihsackuhnlah sie ma sacohk muhtahl, olwelah nuh ke srihpac muhtahl,” fahk Elder D. Todd Christofferson ke U luhn Mwet Sap Singucul Luo. “Kuhtanglah pwacye ke moul uh tuhkuh ke kuht ahkmuhtahlye moul—oasr pa nuh ke, pacl lasr ac sulwaclah—lasr nuh ke srihpac luhn God.”¹

Elder Neal A. Maxwell (1926–2004) ke U luhn Mwet Sap Singucul Luo fahk, “Kuht oacna in nuhnkuh muh ke kuht fuhlweack ma sacohklacna lasr muhkwen, oacna ke sapkihnyuck, pa mwe ahkinsewowo muhtahl se uh. Tuhsruhkwet se in eisaclacng nuh sin God pa mwe ahkinsewowo muhtahl se yohk emet uh.”²

Ke kuht ahkmuhtahlye kuht sifacna nuh ke srihpac luhn God,

luhlalfongi lasr kac! Jisus Kraist ac ke Iwaclah Lal fah yohkwelihk. Ke kuht moulkihn moul ahkinsewowoyeyuck, kuht kuh in oreklac in muhtahl fal nuh ke ohiyacsr.

Carole M. Stephens, Mwet Kahsruh Se Met ke Prestuhnsi luhn Rilif Sosaiti, fahk: “Elder Robert D. Hales el luti, ‘Ke kuht oraclah ac liyacacng olwelah, kuht tuhkuh liki facluh ac ilyak nuh ke tohkohsrahi luhn God.’

“Kuht eklac. Siena atacsr, ac kuht mukwikwi siena. Ma kuht lohng ac riti ac fahk uh siena, ac ma kuht nukum uh siena mweyen kuht ekihn tuhlihik muhtwacn nuhtin God kuhpahsryang nuh Sel ke olwelah.”³

Ahkmuhtahlye pa wuhlweacng se God el oraclah “yurin mwet Israel fah ouinge: Nga fah likiya ma sap luk in elos, ac simusla insialos. Nga fah God lalos, ac elos fah mwet luk” (Jeremiah

31:33). Moulkihn moul ahkinsewowoyeyuck uh kuhpahsryang nuh ke plwacn luhn God nuh sesr.

Ma Suhmuhsлах Ituckyang Sahyang

Sie Thessalonica 1:3;
Doctrine and Covenants 105:5;
reliefsociety.lds.org

MWE KAHSRUH

1. D. Todd Christofferson, “Reflections on a Consecrated Life,” *Liahona*, Nohfuhmpuh 2010, 16.
2. Neal A. Maxwell, “Consecrate Thy Performance,” *Liahona*, July 2002, 39.
3. Carole M. Stephens, “Wide Awake to Our Duties,” *Liahona*, Nohfuhmpuh 2012, 115–16.

Nuhnkuh Ma se Inge

Moul lasr uh ahkinsewowoyeyuck nuh sin Leum kahsrwe kuht fuhkah in oacna El?